

# 1 Tesalonikri

## Titire mbede ká Pol daa / ha nzoɓ mbika lawri ká Tesalonik

*Bay ká se tul feri ká do bil mbede ni key*

Mbede key na Pol daa ha nzoɓ mbika lawri ká i ba nzoɓ fieri ká be kɪ ka ba nzoɓ daa ha ri mɓu tul kɪ ká Tesalonik, ɲɛɛɛpuo luye ká kuɗu zad ká Maseduwan. Fal zól be ká dɪ na, ka pie Timote se lu-ri, a yɪi Timote ká'a lo soro bay nzoɓ mbika lawri ká i mɓu tul kɪ í do báy kere na báyɪi le, Pol daa mbede key na a daake taambol ha ɲɛɛɛwuru bay tul súu law ká tul mbika law bari ndaw, law ini ká i doke, báy lawri ká i daa nzokdo te tul ɲɛɛɛwuru ndaw pi.

Ka leke bay vbiw nzoɓ haneri ká se tul yɪi ɲɛɛɛmbay. Nzoɓ mbika lawri ká Tesalonik daa law-ri te dɪ mii, ɲɛɛɛmbay na a yɪi kod hoy. Roo le, munu ká'a yɪi a vi ya báy na, i vbi-vbiw mii: sie ha ndaw roo ɲɛɛɛmbay na a yɪi a vi le? Mase, nzoɓ mbika lawri ká i hu pola, roo Zezu a yɪi a vi na waa, a doko mina ro bay tul-ri le?

Pol baa ha nzoɓ mbika lawri bay haɲa ri ko taɲ mii, ɲɛɛɛmbay na a yɪi a vi na kɪ, le, nzoɓ mbika lawri riw bele i káw zɪɲ ni mɓɪw hoy. Ká bay gɪyanke namke na, ɲɛɛɛwuru hii bay haɲa ri daa ped bari na nun-ri ka ba pola báy suoriya.

*Maa bayri ká do bil-e*

Taambol báy pisi ɲɛɛɛwuru: 1-3

Simsed ká rii law ɲɛɛɛwuru: 4.1-12

## Yji Ngerembay: 4.13-5.11

Ped d'aa nzoɓ mbika lawri, báy sɨn tul bay:  
5.12-28

### *Soko ká Pol hii ha ri*

<sup>1</sup> Bi Pol, roo Silas\*, báy Timote ndaw na, buru d'aa mbede key na ha ri baari nzoɓ mbika lawri ká ì mby tul kɨ ká Tesalonik, baari ká ì zuo zɨn Baa naari Ngerewuru báy Ngerembay Zezu Krisi. Ndad bay haɲa law huoke báy d'εkeke Ngerewuru ka sád zɨn ri.

### *Mbika law báy simsed nzoɓri ká Tesalonik*

<sup>2</sup> Buru d'aa taambol ha Ngerewuru banɲo kpadara bay tul-ri riw bele, a búru ker se tul-ri banɲo ká bil nzaa bay kere buru. <sup>3</sup> Ká pol Baa naari Ngerewuru na, buru ker se tul mbika law baari ká d'aa ped ndaw, báy law ini ká ì d'oke ká d'aa ha ri dáake ped ηgo-ηgoη ndaw, roo báy law-ri ká ì d'aa nzokdo te tul Ngerembay naari Zezu \*Krisi ká d'aa ha ri sɨuke law-ri ndaw na.

<sup>4</sup> Baari yu bururi ká Ngerewuru ko ri ba nzoɓ nun-ε na, buru ko mii, Ngerewuru nan ri ha ri ba nzoɓ taa be, <sup>5</sup> bay ɨi le, káa Bay Kere Krisi ká buru kaa ha ri na, ba bay ká tɨi ká nzaa buru hoy ya, roo le, ba bay ká tɨi báy hurusuo, báy faa Tem Law Pie, roo búru ko ta-taη ndaw mii, ba tusue bay. A baari kara ì ko simsed buru ká sakra baari báy nun-ri; buru d'aa munu bay sókoke ri. <sup>6</sup> Baari kɨ hoy kara ì mboro simsed buru báy

---

\* **1:1** 1.1 Silas mase Silvin na, ba riη ká mbɨw hoy. Báy nzaa gerek le, ba Silvin, a báy nzaa eboro laa le, ba Silas.

simsed Ngerembay. Ze nzobri d́aa rĩ ko seke fe ngji bamba bay tul Bay Kere Kresi ḱa ì yaa na hoy kara, ì yaa bayke b́ay suoriya ḱa Tem Law Pie ha rĩ na. <sup>7</sup> Be ndaw rɔɔ, ì vike ba nzobri ḱa ì kie simsed baarĩ ha nzob mbika lawri riw bele ḱa kudu zad ḱa Maseduwɔn b́ay Akayi na i ko í mbóro. <sup>8</sup> Ba tusue kji, Bay Ngerembay na, uru ḱa luo-rĩ a tji kudu zad ḱa Maseduwɔn b́ay Akayi hoy ya, rɔɔ le, law-rĩ ḱa ì d́aa bo tul Ngerewuru ḱa bayke yaa zad kpol kpol riw bele na, d́aa ha buru se síe loko soroke mb́aa. <sup>9</sup> Nzobri riw bele lo soro faa ḱa ì mgbake buru ba sùo-rĩ b́ay nam ḱa buru d́oke sakra baarĩ, rɔɔ faa ḱa ì pɔnke púo wururi í fere sùo-rĩ ba luo Ngerewuru bay d́aa ped ha ni, be ḱa'a ba Ngerewuru tusue, Nzob Ḱaw B́ay Kumnun, <sup>10</sup> bay gíyanke Vi-e ḱa'a úru saa nulue. Ba be Zezu ḱa Ngerewuru tina ni saa luo hud ha ni yaa naari ḱa tul here be ḱa'a bóko tul nzobri b́ay nam ḱa'a ví vuku na.

## 2

### *Ped Ngerewuru ḱa Pol d́aa ḱa Tesalonik*

<sup>1</sup> Yu bururi, ì ko b́ay sùo-rĩ ndaw, sed buru ḱa luo-rĩ na, buru se gor hoy ya. <sup>2</sup> I ko ndaw, pola rɔɔ bay haɔa buru se luo-rĩ na, nzobri ḱa Filib rad buru, í d́aa nun buru tuo síe bamba. Ze nzobri ngji bamba tun buru ngeren b́ay sed buru ḱa luo-rĩ na kara, Ngerewuru ha buru h́urusuo, a d́aa wára bo bil law buru bay haɔa buru ḱaake ḱaa Bay Kere ḱa uru saa luo-e ḱa se tul \*Kresi na ha rĩ. <sup>3</sup> Bay Kere ḱa buru ka-ḱaake búru d́ike rĩ na, bayke to faa ya ndaw, kér bay

ndaya kara dɔ bil law buru ya ndaw, búru nzaa faa úla nzobri ká dī ya ndaw; <sup>4</sup> roo le, buru baa banguo munu ká Ngerewuru hii, bay ji le, ba be k̄i ze ka kɔ buru maa, a pɔŋ pedke zuo nduo buru. Buru nzaa faa bay ndáɗ ká nun nzob ya, roo le, bay ndáɗke ká nun Ngerewuru, be ká'a ba nzob békle fe ká dɔ bil law nzob.

<sup>5</sup> I ko ta-taŋ ndaw, báy nam ká buru dɔke sakra baar̄i báy na, buru baa bay ba mb̄iw báy nzaa ráa bay ya ndaw, a búru ker bay ká bay báa bay z̄inke fe ká luo-r̄i ba mb̄iw ya ndaw. Ngerewuru ba nzob bay nasike. <sup>6</sup> Buru na, buru nzaa faa bay haŋa nzobri pisi buru ya: ká luo-r̄i ya ndaw, luo nzob k̄iri ya ndaw pi. <sup>7</sup> Buru ba nzob ndáy nzaaped Kriŋi. Saŋke mini ze, buru dɔ báy faa ká bay réke mb̄ay ká tul-r̄i, roo le, buru daa munu ya. Buru se búru kaw sakra baar̄i d̄ek̄eke munu ká máa led̄ kɔ-kóm ba tul vi-eri a kɔɔ ri báy kere. <sup>8</sup> Munu ká buru kɔ r̄i ba nzob nun buru na, buru dɔ dī ya bay ka-káa Bay Kere Ngerewuru ká se tul Kriŋi hoy ha r̄i ya, roo le, buru mbi s̄uo buru ha hud̄ bay tul-r̄i, bay ji le, buru hii r̄i bamba! <sup>9</sup> Ȳu bururi, ped̄ ká ngɔŋ bamba ká buru daa s̄uo buru taa tom búru t̄aa ká dī pɔdɔ pɔdɔ na, ì ȳinra ya ba tusue! Buru daa ped̄ na bisie báy suŋ bay bá soba nzob mb̄iw ká sakra baar̄i ya. Be ze buru káake káa Bay Kere Ngerewuru ká se tul Kriŋi na ha r̄i.

<sup>10</sup> Fe ká buru daa na, ì ba nzob bay nasike, Ngerewuru kara ndaw. Simsed̄ buru ká sakra baar̄i nzob mb̄ika lawri na, ba simsed̄ ká \*taŋ kad̄ kad̄, a dɔ báy zad̄e. Nzob mb̄iw mini kara

maa bay d́aa bay bo tul buru ya. <sup>11</sup> I kɔ ndaw, buru d́aa ziŋ r̄i mbjw mbjw riw bele munu ḱa b́aa led́ d́aa ziŋ vi-eri. <sup>12</sup> Buru bo r̄i, búru gól r̄i, rɔɔ búru suru tigb́aa-r̄i banɔɔ bay haŋa r̄i se simsed́ munu ḱa Ngerewuru hii, be ḱa'a d́i r̄i na, bay haŋa r̄i vi ba nzobri ḱa'a re mbay ḱa tul-r̄i a í d́o bil riŋ d́ika ziŋ ni mbjw hɔy.

<sup>13</sup> Buru d́aa taambɔl banɔɔ ha Ngerewuru na rɔbay, bay ji le, zadka buru ka-ḱaa Bay Kere Ngerewuru ḱa se tul Kriŋ ha r̄i na, ì laa bayke í yaa bo bil law-r̄i b́ay kere, a í kɔ ba bay b́aa nzobri hɔy ya, roo le, ba Bay Ngerewuru. Bayke na d́o ba Bay Ngerewuru ba tusue k̄i. Be ze a d́aa ped́ b́ay h́urusuo ḱa bil law baar̄i ḱa ì d́aa law-r̄i bo tul Zezu Kriŋ. <sup>14</sup> Yu bururi, baar̄i na ì mboro fe d́aa nzob Ngerewururi ḱa í d́aa law-ri bo tul Zezu Kriŋ ḱa í mby tul k̄i ḱa zadri bod́ bod́ riw bele ḱa kuɖu zad́ ḱa Zude, bay ji le, baar̄i kara nzob puo baar̄i d́aa nun-r̄i tuɔ síe munu ḱa Zibri d́aa ziŋ nzob mbika lawri ḱa kuɖu zad́ ḱa Zude na. <sup>15</sup> Ba bari Zibri na ze, í i nzob haneri ḱa í ba \*nzob yaaŋa bayri saa nzaa Ngerewuru, í i Ngerembay Zezu, a í niiri buru kad́ kad́ í d́aa nun buru tuɔ síe. I ba nzobri ḱa í rii nun Ngerewuru ya a í ba nzob tul ngani nzobri riw bele. <sup>16</sup> I haa buru faa bay haŋa buru ka-ḱaa Bay Kere Kriŋ ha nzobri ḱa í ba Zib ya na ha ri z̄inke pam ya. I d́aa munu banɔɔ, be ze í d́aake feyaa nde tul k̄i a nḡji ba pola pola kpuru mini ndaw rɔɔ here Ngerewuru tɔdɔ bo tul-r̄i b́ay.

*Pol d́aa kɔn ḱoko nzobri ḱa Tesalonik ba k̄i*

17 Yü bururi, báý nam ká náa walkeri k̄i ká bole dī nd̄ii na (náa kóri k̄i ya hoy kara, law naari bo tul̄ k̄i ban̄guo kpaɔ́ara) k̄on kóko r̄i ɔ́aa buru lok lok hā buru ɔ́aa h̄urusuo buru tun̄ k̄i, a búru nzaa faa bay v̄aa kóko r̄i ba k̄i. 18 Be ze, buru hii bay ȳii se luo-r̄i, a bi Pol na, m̄i nzaa faa ba mb̄iw mase ba sid̄iri munu bay séke, roo le, \*Satan haa faake báý. 19 W̄aa, nzoɔ veri báý roo i do ba fe ɔ́aa law buru nzok̄ɔ te tul-ri, mase ba fe suoriya buru, mase ba taguba rin̄ ɔ́ika ká hā buru k̄awke r̄ika na le? W̄aa ba baari ká ì ɔ́oko pol N̄gerembay naari Zezu báý nam ká'a ȳii a vi na ya le woo? 20 Ba tusue k̄i, ba baari na k̄i ze ì ba fe ndáka giri s̄uo buru nd̄aw, fe suoriya buru nd̄aw pi.

### 3

1-2 S̄awke mini ze, zadka buru kaw kpuru tan̄ láa soro bay baari, a búru maa bay íki law búru ká dī mb̄aa na, buru mbi nzaa buru bay píe Timote se luo-r̄i, a p̄on̄ buru ká sid̄i key laa le, buru káw Aten h̄uo buru. Be Timote na ka ba yu naari, a ba b̄aw ped̄ N̄gerewuru ká'a ka-káa Bay Kere ká se tul̄ \*Krisi. Buru píe ni bay hāna ni ka v̄aa ɔ́aa w̄ara bo bil law-r̄i ha r̄i ngón̄ke ká bil mbika law baari, 3 bay hāna bo, ɔ́aa nun tuo síe ká t̄ii tul-r̄i timbed̄e key na, ka lán̄ mbika law nzoɔ mb̄iw ká sakra baari ku ya. Baari s̄uo-r̄i kara ì ko ta-tan̄ nd̄aw, k̄iri ɔ́aa nun tuo síe ká mini key na, ba fe ká N̄gerewuru hā faake ɔ́o bay tul naari. 4 Tusueke le, báý nam ká buru kaw zin̄ r̄i koɔ roɔbay na, buru baa ha r̄i mii, fe ɔ́aa nun

tuo síe a t̃ji tul naari, a ɛ, fekeri t̃ji na k̃i. Ba fe ká ì k̃o ta-taŋ ndaw ro. <sup>5</sup> S̃awke mini ze, munu ká m̃i maa bay íki law-i bay k̃awke kpuru ya na, m̃i pie Timote ba luo-r̃i bay láake soro mbika law baar̃i, bay j̃i ɛ, m̃i daa h̃je ká bil law-i mí baa mii, k̃o ya ɛ, ñgeretemndaya lie law-r̃i h̃a ped ká buru daa ká luo-r̃i pola na do ba fe ká gor hoy.

<sup>6</sup> Roo ɛ, timbede key ká Timote ỹji saa luo-r̃i a vi luo buru key báy bay kere, a lo soro bay ká se tul mbika law baar̃i ká ì do tul-e bañguo kpadara, báy ini ká ì m̃gba ziñ k̃i na h̃a buru laa. Ka baa h̃a buru mii, ì ker bay se tul buru bañguo, a k̃on k̃óko buru kara daa r̃i lok lok munu ká buru kara, k̃on k̃óko r̃i daa buru munu ndaw na. <sup>7</sup> Be ze yu bururi, ká bil k̃óko seke fe bururi riw bele, báy fe law sekeri riw bele ká t̃ji tul buru na, zadka Timote ví lo soro mbika law baar̃i ká ì do tul-e bañguo h̃a buru laa na, daa h̃a law buru huo buru m̃gbalak. <sup>8</sup> Ba tusue k̃i, munu ká ì m̃gba mbika law baar̃i ngo-ngoŋ í zuo ziñ Ngerembay na, timbede key law buru nda siri fuo h̃a buru kaw báy kere! <sup>9</sup> Buru daa mina ze bay daa taambol h̃a Ngerewuru bay tul bawda suoriya ká buru ziñ bay tul-r̃i ká pol-e na ɛ woo! <sup>10</sup> Suñ báy bisie na, buru daa nzaa bay kere ngo-ngoŋ bay haŋa ni ka m̃gbúda faa h̃a buru ṽaa k̃o r̃i, a búru kíe r̃i bie fer̃i ká t̃oñ ká bil mbika law baar̃i na\*.

---

\* **3:10** 3.10 Pol t̃ji dul saa Tesalonik bay tul Zibri ká i hii bay ika ni. S̃awke ze ka kieke ri titire fer̃i ká se tul mbika law hoy. Be ze ka hii bay ỹji se luo-ri bay kíe ri bie fer̃i ká t̃oñ ká bil mbika law na.

11 Ndadɔ bay haɲa Bãa naari Ngerewuru kɪ sù-ε báy Ngerembay naari Zezu, ka† léke faa haɲa buru se búru vãa kɔ rĩ ba kɪ! 12 Ndadɔ bay haɲa Ngerembay ka haɲa ini ká ì mgbá zɪɲ kɪ, rɔɔ í mgbá zɪɲ nzobri riw bele ndaw na, ka káy tul kɪ ba pola pola haɲa ni maa báy ini ká buru mgbá zɪɲ rĩ. 13 Be ndaw rɔɔ, ka'a haɲa rĩ hɔrusuo ha rĩ vi ba nzobri ká \*taɲ kad kad taɲ bay ká ɔo tul-rĩ ká nun Bãa naari Ngerewuru báy nam ká Ngerembay naari Zezu a ví báy nzobri riw bele ká i ba taa be‡. Amem! Ndadɔ bay haɲa ni ka ɔo munu na kɪ!

## 4

### *Simsed ká rii law Ngerewuru*

1 Be ze yu bururi, bay séké simsed ká rii law Ngerewuru na, ì fere ká luo buru báy nam ká buru ɔ́oke luo-rĩ hɔy. Simsedke na kɪ ze ì se ro ku, roo le, kóɔf ŋguo hɔy, buru vbi rĩ báy riɲ Ngerembay Zezu bay haɲa rĩ se nun-rĩ ba pola, 2 bay ɲi le, baarĩ na ì kɔ ndaw, ba fe fére ká buru yaa saa luo Ngerembay Zezu a búru fere rĩ. 3 Fe ká Ngerewuru hii na, ba haɲa rĩ vi ba nzobri ká \*taɲ kad kad ká nun-ε. I nze báy sùo-rĩ ká bay ɔ́aa fe lɔɔ. 4 Ndadɔ bay haɲa nzob haa haa ká sakra baarĩ na, ka kɔ faa kóɔ sùo-ε bay káw zɪɲ máy be báy kere, báy faa ká ɔo báy zadε ká nun Ngerewuru ndaw, nun nzobri kara ndaw. 5 Ka ti pón sùo-ε haɲa kon fe naysuo kuo ni munu ba

† 3:11 3.11 Nzob ɔ́aa mbede key na, ka baa bay se tul Ngerewuru báy Zezu Krisi ba nzob ká mbɪw. ‡ 3:13 3.13 Ká zad ni key na, nzob ndáy bay haneri ker mii, Ngerembay Zezu a ví báy led nzaaped beri riw bele.



nzobri ká i tuu Ngerewuru ya na ya. <sup>6</sup> Ká bil fe nuri ku na, ndaɗ ɓay haɗa nzob mbjw mini kara ka ɗaa kaaya zinj yu-ε, mase a ɗaa fe ɗaa riiba zinj ni ya, ɓay ji le, nzobri ká i ɗaa kiri feyaa ká mini key na, Ngerembay a puo ri mbolke munu ká buru ɓaa ɓayke ha ri a buru baka ri ká di na. <sup>7</sup> Tusueke le, Ngerewuru di naari ɓay haɗa naa ɗaari fe ɗaa lɔɔ ya, roo le, ɓay haɗa naa kawri ba nzobri ká taɗ kad kad ba taa be. <sup>8</sup> Be ze, nzob ká tunj fe fere ká buru fere ri key na ngereɗ le, ba nzob ze ka tunj ni ngereɗ ya, roo le, ba Ngerewuru ká ha ri Tem Law Pie na ze ka tunj ni ngereɗ ku.

<sup>9</sup> Yu bururi, ɓay ká se tul mgbaka ini ká sakra ki na, ba fe ká i se sie haɗa nzob ɗaa mbedeke ha ri mbaa, ɓay ji le, ba Ngerewuru ki ze fere ri faa mgbaka ini zinj ki. <sup>10</sup> Be ze ba fe ká i ɗaa ɓanguo zinj yu baari riw bele ká kuɗu zaɗ ká Maseduwan riw bele ndaw ku. Roo le, buru kod ri ɓay haɗa ri ɗaa nun-ri ba pola robay. <sup>11</sup> I nzaa faa kaw ɗekeke, i ɗaa suo-ri nduo bil fe nzob hawri ya ndaw, i ɗaa ped suo-ri ki i zinke fe sum i holke suo-ri, munu ká buru mbi nzaa buru ká di ha ri pola na. <sup>12</sup> Be ndaw roo, i ba soba nzob mbjw ya, a nzobri ká i tuu Ngerembay ya na i ko le, i ɗaake mbay bo tul-ri bay.

### *Bay ká se tul nam yi Ngerembay*

<sup>13</sup> Yu bururi, ɓay ká se tul nzob huderi na, buru hii ɓay haɗa ri laa sawke ta-taɗ, bo i ɗaa sie ngji bamba tasiri munu ká nzob hawri ká i ker i ɓaa mii, nzob hu le, hu wum ki zu bo, nzob

ká bay d́aa law te tul-e nzokdó na tiya na munu ya. <sup>14</sup> Náa kóri ba tusue k̄i mii, Zezu na hu, le, Ngerewuru tina ni saa luó huđ. Be ze, náa kóri ndaw mii, Ngerewuru ká tina Zezu saa luó huđ na, nam ká Zezu a ȳi a vi na, nzobri riw bele ká i hu ká bil mbika law na, Ngerewuru a tina ri saa luó huđ faa mbjw munu ndaw ha ri kaw báy kumnun z̄iḡ Zezu.

<sup>15</sup> Tusueke le, munu ká Ngerembay fere buru na, buru baa ha r̄i: naari ká náa káwri báy kumnun kpuru t̄i síe ȳi be na, náa ti mbikari bal naari to pola bay súo nun-ε ha bari ká i hu na kpay ya mgbaj. <sup>16</sup> Namke ku na, Ngerewuru a ndáka tul fe keḡ, le, kusol mbay tul leđ nzaapedri ká nulue a mgbaka belen, gire t̄iw Ngerewuru a mgbaka k̄on̄on̄, le, Ngerembay k̄i s̄uo-ε a d̄i saa nulue bay vika. A le, bari ká i hu ká bil \*Krisi na, i t̄i saa luó huđ pola, <sup>17</sup> r̄oo naari ká náa káwri báy kumnun báy na, Ngerewuru a haḡa náa ururi z̄iḡ ri mbjw hoy bay ndúo bil s̄ii mbam bay súo nun Ngerembay ba siya. Be ndaw r̄oo, náa káwri z̄iḡ ni w̄m baḡguo. <sup>18</sup> Munu zu le, ì hu law k̄i báy bayri na key.

## 5

### *I káw báy nzaa bal-r̄i kekeke*

<sup>1</sup> Ȳu bururi, bay ká se tul nam báy saw síe ká fekeri a t̄i na, ba fe ká ì se síe haḡa nzob d́aa mbedeke ha r̄i mbáa, <sup>2</sup> bay ji le, baari k̄i s̄uo-r̄i na ì k̄o ta-taḡ mii, nam ȳi Ngerembay na a t̄i tul nzobri mbudfa munu ká nzob riiba t̄iike tul

nzobri ba suŋ. <sup>3</sup> Zadfka nzobri baa mii: «Zad dfo dfekeke, fe mbjw ti dfaa fe ya,» ɛ, ka zadɛ ku hoy, bife a tji tul-ri mbudfa munu ba nduo ka tun may nzob ɥwuy; ɛ, i ti zin faa tji dul ya. <sup>4</sup> Roo ɛ, baari yu bururi, i do bil suŋ tilo munu ka nzobri ka i tuu \*Krisi ya na ya ka bay haŋa namke ɛ, ka mgbuŋ ri munu ka nzob riiba mgbunke nzobri na ya. <sup>5</sup> Tusueke ɛ, baari riw bele na, i ba led zad taŋari, i ba led bisieri ndaw. Naa bari led suŋri ya ndaw, led suŋ tilori ya ndaw pi. <sup>6</sup> Be mini ze, naa ti naaŋari nam munu ka nzob hawri naa ku ya. Roo ɛ, naa kawri bay nzaa bal naari kekeke, a naa nzeri bay suo naari. <sup>7</sup> I ko, suŋ ze nzob na-nam, suŋ na ndaw ze him daa nzob tud, <sup>8</sup> roo ɛ, naari ka naa bari led zad taŋari na, ndad bay haŋa naa nzeri bay suo naari ha law naari ka naa dafari bo tul Ngerewuru bay ini ka naa mgbari zin nzobri na, ka koro naari munu ba ngan ka koro nzob yum ka nzaa ruy. Ndad bay haŋa law naari ka naa dafari nzokdo te tul pam na, ka koro naari munu ba taguba lari ka nzob yum daa guba tul-e a koroke suo-ε. <sup>9</sup> Tusueke ɛ, Ngerewuru di naari bay haŋa here be ze ka bo tul naari ya, roo ɛ, ka di naari bay haŋa naa zihri pam bay faa Ngerembay naari Zezu Krisi, <sup>10</sup> be ka'a hu bay naari. Ze naa huri na hu mase naa kawri bay kumnun hoy kara, nam ka'a yi a vi na, naa kawri zin ni mbjw hoy. <sup>11</sup> Munu zu ɛ, i huo law ki i so ki munu ka i daa banquo kpadara na.

*Ped dfaa nzob mbika lawri*

<sup>12</sup> Yũ bururi, buru kod rĩ bay haña rĩ daa mbay ka bo tul bari ká i daa ped ká sakra baarĩ, bari ká Ngerembay pɔŋ ped zuo nduo-ri bay haña ri nda faa pol-rĩ í bo rĩ na. <sup>13</sup> I hĩe ri a í ko ri ba nzob nun-rĩ bay tul ped ká i daa. I káw ɔ́ekeke ká sakra k̄i.

<sup>14</sup> Buru kod rĩ bay haña rĩ baka nzobri ká simsed bari do goɔ goɔ ndaw, í huo law nzobri ká law-ri saa ndaw, í so nzobri ká hurusuo-ri tiya ndaw, a í iki law-rĩ ká tul nzobri riw bele. <sup>15</sup> I ha nzob mbijw mini kara ka yĩŋra báy ndaya ká nzob daa ziŋ ni na ha ni suo bol-e ya, roo le, ì nzaa faa daa kere baŋguo ká sakra baarĩ ndaw, roo báy nzobri riw bele ndaw pi. <sup>16</sup> I daa suoriya baŋguo. <sup>17</sup> I daa nzaa bay kere baŋguo kpadara. <sup>18</sup> Ká bil feri riw bele ká t̄ji tul-rĩ na, ì daa taambol ha Ngerewuru. Be ze ba fe ká Ngerewuru hii bay haña baarĩ ká ì zuo ziŋ Zezu \*Krisi na ì daa. <sup>19</sup> Tem Law Pie ká daa ped ká bil law-rĩ na, ì mbii ni ya. <sup>20</sup> A bayri ká i yaa saa nzaa Ngerewuru na, ì im ya, <sup>21</sup> roo le, ì békle baykeri riw bele í yaa hay ká báy kere ka bo bil law-rĩ, <sup>22</sup> a í nze báy sùo-rĩ ká tul k̄iri fe kaayari bod bod riw bele.

### *Sĩŋ tul bay*

<sup>23</sup> Ndad bay haña Ngerewuru ká ba nzob haña ɔ́ekeke ha nzob na, ka daa ha rĩ vi ba nzob taa be ká bil sùo-rĩ ngid bele. Ka koro sùo-rĩ riw bele: k̄er bay baarĩ ndaw, para nun sùo-rĩ ndaw, roo naysuo-rĩ ndaw na ka tán kad kad kpuru maa báy nam ȳi Ngerembay naari Zezu \*Krisi. <sup>24</sup> Be

ká'a dī rī na, ka'a dāa feke o báy zadε riw bele, bay ji le, ka do tul bay be.

<sup>25</sup> Yū bururi, ì dāa nzaa bay kere ndaw bay tul buru. <sup>26</sup> I hii soko lik lik ha yu naari riw bele í áwke nzaa kī. <sup>27</sup> Mī kod rī báy riñ Ngerembay: ì kīi mbede key na ha yu naari riw bele. <sup>28</sup> Ndad bay hana law huoke taa Ngerembay naari Zezu Kri si ka sád ziñ rī.

**Mbede sáka kuni fie**  
**New Testament in Kuo**

copyright © 2013 Wycliffe Bible Translators, Inc.

Language: (Kuo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 22 Feb 2024 from source  
files dated 29 Jan 2022

1bae8b8b-6141-55e9-b352-adf7a01da5f4